

Մ. Ներացու անվան Երեւանի պեֆական բժշկական համալսարանի դերը Հայաստանում վիրաբուժության զարգացման գործում

Մ. Ներացու անվան ԵրԴԲՀ-ի վիրաբուժության թիվ 1 ամբիոնի վարիչ, պրոֆեսոր
Ն. Վ. Սարուխանյան, պրոֆեսոր Մ. Մ. Միրիջանյան

375025 Երևան, Կորյունի 2

Նոր հարյուրամյակում վիրաբուժությունը բժշկության մեջ առանձնահատուկ տեղ է գրավում բնակչության առողջության պահպանման, նրա վերականգնման և կյանքի որակի բարձրացման գործում:

Վիրաբուժությունը, ինչպես առողջապահությունը ընդհանրապես, անցած հարյուրամյակում մեծ թռիչք ապրեց: Ավելի համոզիչ լինելու համար հարկ է նշել, որ XX դարի սկզբին մեր երկրում բժշկագիտությունը և ազգաբնակչության առողջապահության կազմակերպումը կամ ընդհանրապես չկար, կամ էլ գտնվում էր անասելի ցածր մակարդակի վրա:

Հայաստանն իր պատմության քառուղիներում ունեցել է բժշկության զարգացման տարբեր մակարդակներ: Մատենադարանի ձեռագրերից պարզ է դառնում, որ Ոսկե Միջնադարում Հայաստանում բավականին զարգացած է եղել վիրաբուժական գործը: Կիլիկյան Հայաստանում Մխիթար Հերացին հիմք դրեց գիտական բժշկությանը: Հիշատակումներում նշվում է, որ Կոլոմբոսի արշավախմբում եղել են հայ բժիշկ-վիրաբույժներ: Սակայն ամենից շատ նրանք հիշատակվում են ռուսական բանակում և ռուս արքունիքում: Հատկանշական է պալատական վիրաբույժ, ռուսական բանակի գեներալ, «Գեորգիյան խաչի» ասպետ Ջամբիկ Մարգարյանը, որը ծնունդով Զարաիստից էր:

Կան տվյալներ, որ XIX դարի կեսերին Գևորգ Երևանցին Հայաստանում կատարել է օստեոսինթեզ ազդրոսկրի կոտրվածքների ժամանակ:

Առաջին դիպլոմավոր բժիշկ-վիրաբույժներից են եղել Մոսկվայի համալսարանի շրջանավարտներ Հ.Նովիսոնիսյանը և Տեր-Գրիգորյանը, որոնք Երևանի (1895) և Ալեքսանդրապոլի (1905) քաղաքային 10 մահճակալանոց հիվանդանոցներում սկսել են իրենց գործունեությունը: Նշված բաժանմունքներում էլ ձևավորվեց Հայաստանի ներկայիս հզոր վիրաբուժական ծառայությունը:

Առաջին բժշկական ընկերությունը ձևավորվել է 1910 թ. վիրաբույժ Տեր-Միքայելյանի ջանքերով: Ընկերությունը 1920 թ. հրավիրեց բժիշկների առաջին համահայկական համագումարը:

1920 թ. Հայաստանում աշխատում էին 58 բժիշկներ, որոնցից միայն չորսն էին վիրաբույժներ: Դեռ Հայաստանի առաջին Հանրապետության, ապա Խորհրդային Հայաստանի առաջին տարիներին հրատապ էր բժշկական կադրերի, այդ թվում՝ վիրաբույժ-

ների պատրաստման խնդիրը: Այն լուծելու համար անհրաժեշտ էր ունենալ սեփական բժշկական կրթօջախ, քանզի հանրապետությունից դուրս կրթություն ստացան մասնագետների միջոցով հնարավոր չէր լուծել բժիշկների օրեցօր մեծացող պահանջը: Նպատակը իրագործելու համար 1921թ. ստեղծվում է Երևանի բժշկական դպրոցը, որի հիման վրա 1922 թ. մարտին հիմնադրվում է Երևանի պետական համալսարանի բժշկական մասնաճյուղը, որը 1930-ին առանձնացվեց որպես Երևանի բժշկական ինստիտուտ, ապա համալսարան: Վերջինս էլ դարձավ այն ամբիոն դարբնոցը, որը ստանձնեց կադրերի պատրաստման և վիրաբուժական մտքի զարգացման ազգանվեր գործը: Հետագայում այդ գործում մեծ ավանդ ունեցան *ակադեմիկոս Ավդալբեկյանի անվան բժիշկների կատարելագործման ինստիտուտը, ակադեմիկոս Ֆանաբեյյանի անվան ռենտգենոլոգիայի, ռադիոլոգիայի և օնկոլոգիայի գիտահետազոտական ինստիտուտը, ակադեմիկոս Միքայելյանի անվան վիրաբուժության ինստիտուտը, Պետրոսյանի անվան տրավմատոլոգիայի և օրթոպեդիայի կենտրոնը, Էրեբունի, Արմենիա, Մալաթիա, Նորք-Մարաշ, Այրվաճառաբանության, Արաբկիր բժշկական կենտրոնները, Մալաթիայի անվան աչքի հիվանդությունների, Մարգարյանի անվան մանկաբարձության և գինեկոլոգիայի կլինիկաները* և այլ հաստատություններ:

Այդ տարիներին չափազանց մեծ դժվարություններ կային բժշկական ֆակուլտետի աշխատանքի կազմակերպման համար: Բավական է նշել, որ հանրապետությունում որոշ կլինիկական նեղ մասնագիտությունների գծով չկային ստացիոնար բաժանմունքներ, որտեղ ուսանողները հնարավորություն ունենային մասնակցելու հիվանդների ախտորոշման, խնամքի և բուժական աշխատանքներին: Եղած հիվանդանոցներն ու նրանց բաժանմունքները փոքր էին: Ամենամեծ վիրաբուժական բաժանմունքը Հանրապետական թիվ 1 հիվանդանոցում էր, որն ուներ ընդամենը 28 մահճակալ: Տարածքային խնդիրներից բացի բժշկական ֆակուլտետը դասախոսների մեծ կարիք ուներ: Քանի որ սեփական կադրերով անհնարին էր լրացնել ֆակուլտետի պահանջները և դասավանդման որակը բարձրացնել պատշաճ մակարդակի, ֆակուլտետի ղեկավարությունը նամակագրական կապ է հաստատում Խորհրդային Միության այլ վայրերում աշխատող մի խումբ հայ անվանի բժիշկների

քի հետև և հրավիրում նրանց հայրենիք: Հայաստան մշտական աշխատանքի և բնակության են գալիս բազմաթիվ հայ բժիշկներ. Համբարձում Քեչեկը, Խաչատուր Արխիպյանը, Հովհան Գաբրիելյանը, Արտաշես Մելիք-Աղամյանը և ուրիշներ, որոնք աշխատանքի են անցնում բժշկական ֆակուլտետում, մասնավորապես՝ ընդհանուր վիրաբուժության ամբիոնում, որի ղեկավարությունը ստանձնում է Համբարձում Մերաֆիմի Քեչեկը: Գիտության վաստակավոր գործիչ Քեչեկը ծնվել է 1872թ.-ին՝ Դոնի Նախիջևանում, սովորել է Պետերբուրգի, ապա՝ Մոսկվայի բժշկական ֆակուլտետներում: Համալսարանը ավարտելուց հետո 1897թ. աշխատանքի է անցել Ռոստովում, իսկ 1900թ. տեղափոխվել է Պետերբուրգ և աշխատանքի անցել ակադեմիական վիրաբուժական կլինիկայում: 1901 և 1905թթ. նա եղել է արևմտյան Եվրոպայում, որտեղ ուսումնասիրել է միզասեռական օրգանների հիվանդությունները: Տեղափոխվելով Երևան 1923թ., նա նշանակվում է համառապետական հիվանդանոցի վիրաբուժական բաժանմունքի, ինչպես նաև վիրաբուժության ամբիոնի վարիչ: Դասախոսական կադրերի բացակայության պատճառով որոշ տարիներ նա դասախոսություններ է կարդացել նաև ակադեմիական անատոմիա և ակադեմիական ֆիզիոլոգիա առարկաներից: 1925թ. Հ. Քեչեկը նշանակվել է համալսարանի բժշկական ֆակուլտետի ղեկավար: Մեծ է Քեչեկի դերը համառապետությունում գիտական մտքի զարգացման մեջ: Նրա 30-ից ավելի գիտական աշխատանքները նվիրված են մարտդակալ համակարգի, հեմաշարժիչ ապարատի, միզասեռական համակարգի, էվոլյուցիոն գի և խաչի պրոբլեմներին: Մեծ է Հ. Քեչեկի ծառայությունը Հայաստանում արյան փոխներարկման գործի ներդրման և կազմակերպման ասպարեզում:

Հ. Քեչեկի սաներից և նրա գործի շարունակողն էր գիտության վաստակավոր գործիչ, պրոֆեսոր Ս. Ս. Շարիմանյանը, որն ուսուցիչ հետո 1940թ. ղեկավարեց ամբիոնը շուրջ 30 տարի: Գիտության վաստակավոր գործիչ Սեդրակ Սիմոնի Շարիմանյանը ծնվել է 1898 թ. Թբիլիսիում: 1922 թ. ավարտել է Խարկովի համալսարանի բժշկական ֆակուլտետը: Մինչև 1925թ. աշխատել է Խարկովի համալսարանի բժշկական ֆակուլտետի հոսպիտալի վիրաբուժական կլինիկայում: 1926 թ., տեղափոխվելով Երևան, աշխատանքի է անցել ֆակուլտետային վիրաբուժության կլինիկայում: 1930-38թթ. նա աշխատել է բժշկական ինստիտուտի ֆակուլտետային վիրաբուժության կլինիկայում որպես ասիստենտ, իսկ այնուհետև՝ նույն ամբիոնի պրոֆեսոր: 1940 թ. նշանակվել է ընդհանուր վիրաբուժության ամբիոնի վարիչ և երկար տարիներ ղեկավարել այն: Պատերազմի տարիներին եղել է նյարդավիրաբուժական էվակոնոսպիտալի գլխավոր վիրաբույժ: Ջրաղվել է մարտդակալ տրակտի վերքերի բուժման պրոբլեմով և իր ուսումնասիրությունները ամփոփել է «Աղիների վերքերն ու նրանց բուժումը» ատենախոսության մեջ: Այդ աշխատության

մեջ հեղինակը լրիվ ժխտում է լորձային խցանի բուժիչ դերը: Մեծ հետաքրքրություն են ներկայացնում հիպերտոնիկ հիվանդության բուժմանը նվիրված նրա աշխատանքները, որոնց արդյունքը հանդիսացավ «Չարկերակային հիպերտոնիայի վիրաբուժական բուժումը» դոկտորական քեզը: 1964 թ. նրա խմբագրությամբ լույս տեսավ «Խաչիկը Հայաստանում» ժողովածուն: Այդ աշխատանքը ժխտեց այն քյուր կարծիքը, թե Հայաստանը չի հանդիսանում այդ պաթոլոգիայի էնդեմիկ օջախ: Ս. Ս. Շարիմանյանը հեղինակ է «Ընդհանուր վիրաբուժություն» դասագրքի, երկար տարիներ ղեկավարել է Հայաստանի վիրաբույժների գիտական ընկերությունը, եղել է վիրաբույժների անդրկովկասյան ընկերության նախագահ և համամիութենական ընկերության վարչության անդամ: Ս. Ս. Շարիմանյանը 1957-1988թթ եղել է վիրաբուժական ընկերության անփոփոխ ղեկավարը: Հայաստանում նա Ս. Գ. Չոհրաբյանի և Ս. Ս. Հովհաննիսյանի հետ հիմք դրեցին նյարդային վիրաբուժությանը: Նրա աշակերտները դարձան վիրաբուժական մտքի և գործի անխոնջ մշակներ, որոնցից են գիտության վաստակավոր գործիչ, պրոֆեսոր Վ. Հ. Սարգսյանը, Վ. Ա. Մալխասյանը, Մել-Իսրայելյանը, Ս. Ս. Հովհաննիսյանը: Նրանք Սովետական Միությունում հիմնովին մշակեցին պերիտոնալ անեսթեզիայի կիրառումը, ստամոքսի մասնահատումների ժամանակ զաստրոնտերոստոմաների նորանոր մեթոդներ, գլխավոր լիմֆատիկ ծորանի դրենավորման եղանակներ և այլն: Հեղինակ են բազմաթիվ գիտական մեմոարթությունների և դասագրքերի:

Մյուս վիրաբուժական դպրոցի հիմնադիրը դարձավ Կիևի համալսարանի շրջանավարտ Հարություն Միրզա-Ավագյանը, որը 1924թ. հրավիրվեց Երևան և 1929 կազմակերպեց հոսպիտալ վիրաբուժության ամբիոնը:

Հ. Գ. Միրզա-Ավագյանը լայն մտահորիզոնի տեր վիրաբույժ էր: Ստամոքսի առաջին մասնահատումը նա կատարել է 1929 թ., իսկ 1930 հաջորդությամբ կատարեց վիրահատություն սրտի վրա՝ հեռացնելով սրտամկանից հրազենային գնդակ:

Հայրենական վիրաբուժության զարգացման մեջ իր ուրույն դերն ունի Վազգեն Հովհաննեսի Սարուխանյանը, որը ծնվել է 1910 թ. Նոր Բայազետում (այժմ՝ Գավառ): 1931 թ. ավարտել է Երևանի բժշկական ինստիտուտը և աշխատանքի անցել ֆակուլտետային վիրաբուժական կլինիկայում՝ որպես օրդինատոր: 2 տարի անց ընդունվել է ասպիրանտուրա, որն ավարտելուց հետո նշանակվել է սկզբում ֆակուլտետային այնուհետև՝ ընդհանուր վիրաբուժության ամբիոնի ասիստենտ: Վ. Հ. Սարուխանյանը գորակազվել է Կարմիր Բանակ և ղեկավարել է Լենինականի, Երևանի հոսպիտալների վիրաբուժական բաժինները, Հայրենական պատերազմի տարիներին հանդիսացել է էվակոնոսպիտալների առաջավոր վիրաբույժ: 1943թ. զորացրվելով բանակից՝ նա վերադառնում է հայրենի ինստիտուտ և պաշտպանում

թեկնածուական թեզ՝ «Արյան կաթիլային փոխներարկումը» թեմայով: Նա ստեղծեց կաթիլային ներարկման համար սարքավորում, որը կիրառական հասկանիչներով գերազանցում էր գոյություն ունեցող սարքավորումները: Ավելի մեծ է Վ. Հ. Սարուխանյանի «Միջոդնային աճառների արտափքումներն ու պատվածքները» դոկտորական թեզի նշանակությունը: Հայրենական բժշկական գրականության մեջ առաջին անգամ նա նկարագրել է կոնտրաստ նուկլեոգրաֆիայի ավելի անվտանգ մեթոդ, որը մամուրակրկիտ կերպով մշակել է փորձարարական եղանակով և կիրառել կլինիկայում: Վ. Հ. Սարուխանյանի կողմից հանրապետությունում մշակվել և կիրառվել է պերիդոլայ անեսթեզիան, առաջին անգամ կատարվել է ստամոքսի մասնահատված հատվածի պլաստիկ փոխարինում աղիքային տրանսպլանտատով՝ ոտիկի վրա: Նրա կողմից հրատարակվել են բազմաթիվ գիտական աշխատություններ, այդ թվում՝ «Դեմոնոգիա» ձեռնարկը և «Մանկական վիրաբուժություն» դասախոսը: 1963 թ. Վ. Հ. Սարուխանյանն արժանացել է գիտության վաստակավոր գործչի կոչմանը:

1936-1951 թթ. հոսպիտալ վիրաբուժության ամբիոնը ղեկավարում էր Նովոռոսիյսկի համալսարանի շրջանավարտ Գասպար Ալիմի Մելքոնյանը, որը Երևան էր եկել 1920 թ. Օդեսայից: Նրա անունով է կոչվում վիրաբուժության կլինիկան *Արմենիա* բժշկական կենտրոնում:

1952 թ. ամբիոնը և կլինիկան ղեկավարեց Հայաստանի գիտությունների ակադեմիայի թղթակից-անդամ, գիտության վաստակավոր գործիչ, լենինգրադյան վիրաբուժական դպրոցի ներկայացուցիչ պրոֆեսոր Ի. Զ. Գևորգյանը՝ հանրապետությունում ամփոփված վիրաբուժության հիմնադիրը: Այս կլինիկայում են մասնագիտացել ճանաչված վիրաբույժներ Ս. Ս. Գալստյանը, Է. Ս. Մարտիկյանը, Գ. Լ. Միրզա-Ավագյանը և շատ ուրիշներ:

Իվան Զրիստափորի Գևորգյանը ծնվել է 1907 թ. Կամոյի շրջանի Կարմիր գյուղում: 1924 թ. ընդունվել է Երևանի պետական համալսարանի բուժական ֆակուլտետը: Հետագայում ուսումը շարունակել է Լենինգրադում: 1930 թ. նա վերադարձել է Հայաստան, որտեղ աշխատանքի է անցել Ալավերդիում, իսկ 1934 թ. տեղափոխվել Երևան: Մեկ տարի անց վիրաբուժության գծով ընդունվել է ասպիրանտուրա և մեկնել Խարկով: 1938 թ. Ի. Ս. Գևորգյանը նշանակվել է Երևանի բժշկական ինստիտուտի ֆակուլտետային վիրաբուժության ամբիոնի, իսկ երկու տարի անց՝ ընդհանուր վիրաբուժության ամբիոնի ասիստենտ: Հայրենական պատերազմի տարիներին զորակոչվել է և 1944 թ. ծառայությանը զուգընթաց նշանակվել է բժշկական ինստիտուտի ռազմասանիտարական պատրաստականության ամբիոնի վարիչի պաշտոնակատար, իսկ այնուհետև՝ ռազմադաշտային վիրաբուժության դասընթացի գծով հոսպիտալ վիրաբուժության ամբիոնի ղեկավար: 1952-79 թթ. Ի. Ս. Գևորգ-

յանը եղել է հոսպիտալ վիրաբուժության ամբիոնի վարիչ: Հետեմալային ներմկանային անգոպացման հարցի շուրջ նա 1941 թ. պաշտպանել է թեկնածուական թեզ: Նշանակալից են նրա աշխատանքները դեղամիջոցների ներգրկերակային ներմուծման վերաբերյալ: 1952 թ. Ի. Ս. Գևորգյանը պաշտպանել է դոկտորական թեզ՝ «Հիպերտոնիկ լուծույթների ներգրկերակային կիրառման ժամանակ կլինիկափորձարարական դիտարկումներ» թեմայով: Ի. Ս. Գևորգյանը հեղինակ է 200-ից ավել աշխատությունների: Լեռնոլիների վիրահատության ժամանակ բակտերիալ բարդությունների կանխման նպատակով նա մշակել և հիմնավորել է դոմերակի մեջ դեղամիջոցների ներարկման մեծ արդյունավետությունը: Նա նկարագրել է մալարիայի ժամանակ «սուր որովայնի համախտանիշը»: Նա առաջինն էր, որ Հայաստանում ուսումնասիրեց ավելոլոկոկոզը: 1963 թ. Հոմում նա ընտրվել է վիրաբույժների ընկերության անդամ:

Ի. Զ. Գևորգյանին հաջորդեց պրոֆեսոր Վ. Թ. Ափոյանը, որը, ղեկավարելով ամբիոնը և կլինիկան, Հայաստանում վիրաբուժական միտքն ու գործը բարձրացրեց առավել բարձր մակարդակի: Մեր ժամանակակից Վիկտոր Թադևոսի Ափոյանը ծնվել է 1930 թ. Թբիլիսիում: 1955 թ. ավարտել է Երևանի բժշկական ինստիտուտը, որից հետո աշխատանքի է անցել Լիպեցկի մարզում: 1957 թ. աշխատել է Ալավերդիում: 1964 թ. «Կրծքի օդանցների հիվանդությունների ժամանակ միջուկային ֆլեբոգրաֆիան» թեմայով պաշտպանել է թեկնածուական թեզ, իսկ 1971 թ.՝ «Թոքի թարախակույտներ» թեմայով պաշտպանել է դոկտորական դիսերտացիա: Նրա կողմից երկրում առաջին անգամ ուսումնասիրվել և կիրառվել է շնչափողի և բրոնխների միջմշակային կաթետերիզացիան, ինչպես նաև՝ թարախակույտների ժամանակ դեղամիջոցների ներադրուտ երկարատև ներարկումները: Նրա ղեկավարությամբ հիշատակության արժանի աշխատանքներ են կատարվել թոքերի, լյարդի, լեռնոլիների, կերակրափողի պլաստիկների, կերակրափողի ախալագիայի վերաբերյալ: Նա 1984-86 թթ. եղել է Առողջապահության նախարարության գլխավոր վիրաբույժը: Նա ԲՈՒՀ-ի վիրաբուժական խորհրդի նախագահն է, վիրաբույժների հայկական ասոցիացիայի նախագահի տեղակալը:

Ներկայումս ամբիոնի ավանդույթները շարունակում և բազմապատկում է ամբիոնի վարիչ պրոֆեսոր Ս. Ս. Հովհաննիսյանը:

Հայաստանում վիրաբուժական մտքի ջատագովներից է եղել պրոֆեսոր Ս. Ն. Գալստյանը: Նա կրկնակի ընտրվել է ԵՊԲԻ ռեկտոր: Լինելով ընդհանուր վիրաբուժության ամբիոնի վարիչ համախմբել և նոր մակարդակի է բարձրացրել ամբիոնի ավանդույթները:

Այս ամբիոնում է իր գործունեությունը ծավալել գիտության վաստակավոր գործիչ պրոֆեսոր Պ. Պ. Անանիկյանը՝ որպես ամբիոնի վարիչ: Նա Խորհրդային Միությունում առաջինը հիմնադրեց ֆլեբոլոգիայի բաժանմունքը, գիտահետազոտական լաբորատորիան:

Պ.Պ.Անանիյանը հեղինակ է բազմաթիվ նորարարությունների, գյուտերի, մենագրությունների և դասագրքերի: Նա այսօր էլ ակտիվ վիրաբույժ է և վիրաբուժության մեծ քարոզիչ:

1965 պրոֆեսոր էմմա Մարտիկյանը հիմնադրեց մանկական վիրաբուժության ամբիոնը, որը հետագայում ղեկավարեցին պրոֆեսորներ Ս.Ա. Վանյանը և Ա.Ս. Բաբոյանը: Այսօր, համահման նրանց մանկական վիրաբուժությունը Հայաստանում կատարելության է հասել: Բավական է նշել, որ այստեղ մեծ հաջողությամբ կատարվում են քարոզագույն վիրահատություններ, ընդհուպ մինչև օրգանների փոխպատվաստումը:

Հայաստանի վիրաբուժության հիմնադիրների շարքում իր ուրույն տեղն ունի Ռուբեն Հովսեփի Յույանը, որը 1919թ. ավարտել է Կիևի համալսարանի բժշկական ֆակուլտետը: 1927թ. սկսել է աշխատանքը Երևանի պետական համալսարանի բուժական ֆակուլտետում Միրզա-Ավագյանի ղեկավարությամբ: 1940-1955 թթ. Յույանը ղեկավարել է ֆակուլտետի վիրաբուժության ամբիոնը, հեղինակ է «Ռազմադաշտային վիրաբուժություն», «Մասնավոր վիրաբուժություն» դասագրքերի: Մեծ է նրա դերը համրապետությունում հեմատոլոգիայի զարգացման մեջ: Հատկապես մեծ ներդրում ունի նա պարագիտային հիվանդությունների՝ մալարիա, ամիոբիազի վիրաբուժական խնդիրների լուծման գործում: Նա ընտրվել է ՄՍՀՄ բժշկական ակադեմիայի թղթակից անդամ:

Նրա արժանի հետևորդներն են մեծանուն վիրաբույժներ Ս.Զ. Ավդալբեկյանը, Ս.Զ. Հովհաննիսյանը, Հ.Ի. Մյունսյանը, Ա.Ա. Միդոյանը:

Մեր պարտքն ենք համարում հիշատակել տաղանդավոր վիրաբույժ ակադեմիկոս Ս.Զ. Ավդալբեկյանի ներդրումը Հայաստանում բժիշկների կատարելագործման ինստիտուտի և կրթչային վիրաբուժության ու անեսթեզիոլոգիայի առաջին ամբիոնի հիմնադրման գործում: Մեծանուն վիրաբույժի սաներից են Վ.Թ. Ափոյանը, Հ.Վ. Սարուխանյանը, Ս.Ս. Քուշկյանը, Դ.Լ. Մեղրոնյանը, Զ.Ա. Տեր-Ավետիսյանը, Ա.Ս. Աղաջանյանը և ուրիշներ: Այս դպրոցի ներկայացուցիչներն այսօր իրենց ուսուցչի գործի ակտիվ շարունակողներն են:

Ամբիոնում Յույանին հաջորդեց Ռուբեն Պարոնյանը՝ «Մասնավոր վիրաբուժություն» դասագրքի հեղինակը: Այնուհետև ամբիոնը 20 տարուց ավել ղեկավարեց պրոֆեսոր Ս.Զ. Հովհաննիսյանը, որը Հայաստանում պրոկտոլոգիայի հիմնադիրներից է:

Ժամանակակից վիրաբուժության զարգացման, դասավանդման մեջ պետք է արժանին մատուցել Հ.Վ. Սարուխանյանի գործին: Հովհաննես Վազգենի Սարուխանյանը ծնվել է 1938 թ. քաղաք Երևանում՝ անվանի վիրաբույժ Վ. Հ. Սարուխանյանի ընտանիքում: 1955 թ. ընդունվել է Երևանի պետական բժշկական ինստիտուտ, որն ավարտել է 1961 թ.: 1961-63 թթ. եղել է սրտաբանության գիտահետազոտական ինստիտուտի վիրաբուժական բաժանմունքի կլինիկական օրդինատոր, ապա աշխատանքի է անցել Երևանի

բժիշկների կատարելագործման ինստիտուտում: 1965 թ. պաշտպանել է թեկնածուական թեզ՝ «Մրկարդի մերայերիկարդային ռեվասկուլարիզացիայի վիրաբուժական մեթոդների համեմատական գնահատականի մասին» թեմայով, որից հետո մինչ 1979թ. աշխատել է Սարուխանյանի հանդիսացել է կրթչային վիրաբուժության մեծ գիտաշխատող: 1979-88 թթ. Հ. Վ. Սարուխանյանը հանդիսացել է կրթչային վիրաբուժության և անեսթեզիոլոգիայի ամբիոնի պրոֆեսոր: 1969 թ. Հ. Վ. Սարուխանյանը պաշտպանել է դոկտորական թեզ՝ «Դեղամյութերի երկարատև ինֆուզիան ռեզիդուար անոթներով որովայնային խոռոչի օրգանների հիվանդությունների քարոզությունների պրոֆիլակտիկայի և բուժման մեջ» թեմայով: 1988 թ. առ այսօր Հ. Վ. Սարուխանյանը ղեկավարում է ԵՊԲՀ վիրաբուժական հիվանդությունների թիվ 1 ամբիոնը: Նա առողջապահության նախարարության գլխավոր վիրաբույժն է, վիրաբույժների ասոցիացիայի նախագահը, ՀՀ ԱԼ լիցենզիոն համաձայնագրովի նախագահը, «Հայկական վիրաբուժություն XXI» պրոֆեսիոնալների միության նախագահը: Հ. Վ. Սարուխանյանը հեղինակ է ավելի քան 200 տպագրված աշխատանքների: Նրա կողմից մշակվել են գույզ թոքերի միանվագ ալոպլաստիկայի յուրատեսակ մոդել, ինչպես նաև՝ ստամոքսի մասնահատման ժամանակ ստամոքս-աղիքային բերանակցման, ենթաստամոքսային գեղձի սուր բորբոքման և անաստամոզիտների բուժման եղանակներ: Նրա անմիջական հսկողությամբ ԽՍՀՄ-ում առաջին անգամ կատարվել է լեդային քարերի լիտոտրիպիա: Հայաստանում առաջին անգամ նա է կատարել ենթաստամոքսային գեղձի պանկրեատո-զաստո-դուոդենալ մասնահատում, հեմանգիոմայի ժամանակ լյարդի ձախ բլթի մասնահատում, լոբեկտոմիայի ժամանակ սպայածև մասնահատում՝ բրաքիի պլաստիկայով, հարվահանածև գեղձի, արտատեղային ֆեոքրոմոցիտոմայի հեռացում: Կլինիցիստի, գիտնականի, փորձարարի բազմամյա փորձը թույլ է տալիս ժամանակակից բարձր մակարդակի վրա անցկացնել վիրաբուժության դասավանդման գործը: Հ. Վ. Սարուխանյանը բարձր որակավորված վիրաբույժ է, բազմակողմանի զարգացած կլինիցիստ: Նրա հսկողությամբ են մշակվում և ներդրվում ինչպես գործնական, այնպես էլ՝ ուսումնական պրոցեսի մեջ նոր մեթոդներ և եղանակներ: Նա անմիջականորեն կազմակերպել և ղեկավարել է Սպիտակի երկրաշարժի ժամանակ բժշկական աշխատանքը: Նրա կյանքը, աշխատանքային փորձը, դասավանդման ունակությունները, անսպառ ներքին ենթգիտական փառ օրինակ են հանդիսանում ժամանակակից վիրաբույժների համար, որոնց մի ստվար բանակ ձևավորվել է նրա անմիջական ղեկավարությամբ:

Հայաստանում ուռուղղիական ծառայության զարգացման գործում մեծ ներդրում ունի ղոցնեմ Ա.Ա. Միդոյանը: Այսօր նրա գործի շարունակողն է անվանի վիրաբույժ պրոֆեսոր Ի.Գ. Աղաջանյանը, որը ղեկավարում է Բժիշկների կատարելագործման ազգային ինստիտուտի ուռուղղիական ծառայության ամբիոնը և ուռուղղների

աստղիացիայի նախագահն է:

Հայաստանում տրավմատոլոգիայի և օրթոպեդիայի հիմնադիրն է Քրիստոփոր Հայրապետի Պետրոսյանը, որը 1914 թ. ավարտել է Բորդոյի Համալսարանի բժշկական ֆակուլտետը: 1928 թ. նա Երևանում կազմավորեց տրավմատոլոգիական բաժանմունք, որի հիման վրա 1946 թ. ձևավորվեց օրթոպեդիայի և վերականգնողական վիրաբուժության ազգային ինստիտուտը, ապա հիմնադրեց օպերատիվ վիրաբուժության ամբիոնը, որի վարիչ այնուհետև ընտրվեց մեծ գիտնական, տաղանդավոր վիրաբույժ պրոֆեսոր Ա.Ջ.Ճաղարյանը: Նա համրապետությունում սրտային վիրաբուժության նախաձեռնողն է. նրա ատլասները 1957թ. Բրյուսելում արժանացել են միջազգային բարձր պարգևի՝ «Գրան պրի»-ի:

Բ.Հ.Պետրոսյանի արժանի սաներից են պրոֆեսորներ Մուշեղյանը, Օսիպյանը: Ներկայումս կենտրոնը ղեկավարում է հարգարժան պրոֆեսոր Վ.Պ. Այվազյանը, որն առաջինը զբաղվեց արհեստական հոդի էնդոպրոթեզավորմամբ:

Հայաստանում սրտային և անոթային վիրաբուժության զարգացման գործում առանձնահատուկ ներդրում ունի գիտության գործիչ, ակադեմիկոս Ա.Լ. Միքայելյանը: Նա հիմնադրեց վիրաբուժության ինստիտուտը, որը ներկայումս կրում է իր անունը: Այսօր մեծ գիտնականի գործի շարունակողն ու ինստիտուտի տնօրենն է Ազգային Ժողովի պատգամավոր, անվանի վիրաբույժ, պրոֆեսոր Հ.Ա. Թամազյանը:

Սրտային վիրաբուժությունն այսօր Հայաստանում ծաղկում է ապրում համաձիս տաղանդաշատ վիրաբույժ Հրայր Հովակիմյանի ջանքերի շնորհիվ: Նրա կողմից ղեկավարվող Նորք Մարաշի բժշկական կենտրոնը մեր պարծանքն է:

Պոռկտոլոգիայի զարգացումը Հայաստանում կապված է մեծանուն վիրաբույժ, ակադեմիկոս Լ. ՌԻ. Նազարովի անվան հետ, որի ղեկավարությամբ ձևավորվեցին ճանաչված վիրաբույժներ պրոֆեսորներ Աղավելյանը, Հակոբյանը, Միմայանը և այլք:

Օնկոլոգիայի վիրաբուժությունը այսօր կարևոր տեղ է գրավում բժշկագիտությունում, այդ առումով պարծանքի է արժանի Բ.Ա. Յանարջյանի անվան օնկոլոգիական կենտրոնը, որը գիտական մտքի զարգացման և կադրերի պատրաստման օջախ է դարձել: Դրանում իր մեծ լուծում ունի ՀՀ Ազգային ակադեմիայի թղթակից անդամ, կենտրոնի ղեկավար Ա.Ա. Գալստյանը:

Հանրապետությունում բարձր մակարդակի վրա է գտնվում մանկաբարձությունն ու գինեկոլոգիան շնորհիվ հիմնադիրներ՝ Արեշյանի, Մարգարյանի, Սևաթովի, նրանց գործի շարունակողներ Ռ.Ա. Աբրահամյանի, Բեգլարյանի, Կ.Բ. Ակունցի, Գ.Գ. Օկոյևի և ուրիշների:

Օտոլարինգոլոգիայի զարգացումը Հայաստանում սերտ կապված է Արծրունու, Հարությունյանի, Նաջարյանի, Շուքրյանի, Դուրանյանի, Նարինյանի, Ազիզյանի հետ: Նրանց գործը հետագայում շարունակեցին պրոֆեսորներ Խանամիրյանը, Հա-

րությունյանը, Լուսինյանը, Շուքրյանը և այլք:

Աչքի հիվանդությունների վիրահատության զարգացման գործում մեծ է Մելիք-Մուսյանի, Մալայկի, Բլավատսկայայի, Միրզա-Ավագյանի ներդրումը: Այսօր նրանց գործը շարունակում են Բարսեղյանը, Մալայանը, Շաքարյանը և ուրիշներ: Նրանց շնորհիվ ծառայությունը առաջընթաց ապրեց աչքի անհետաձգելի վիրաբուժության մեջ:

Հայ վիրաբույժները միշտ էլ եղել են իրենց երկրի ազնիվ քաղաքացիներ: Հայրենական Անժառանգության տարիներին նրանք կյանքի են կոչել շատ վիրավորների: Նրանցից շատերը ղեկավարել են բժշկական ծառայությունը: Անձնուրաց, հեղուսական գործի համար նրանք արժանացել են կառավարական բարձր պարգևների, շքանշանների և մեդալների:

90-ականներին Հայաստանի Հանրապետությունը կարողացավ հաղթահարել սոցիալ-տնտեսական բարդ խնդիրներ: 1988 թ. Մայիսի 6-ի ահեղ երկրաշարժը, այնուհետև Դարաբաղյան պատերազմը խաբիլել էին տնտեսությունը, որի հետ միասին տուժել էր նաև առողջապահական գործը: Այդ տարիներին հայ վիրաբույժները գտնվեցին իրենց բարձրության վրա. նրանք պատվով կատարեցին առողջության պահպանման անկում դերը:

Վերջին տարիներին Հայաստանի բժշկությունը մեծ թռիչք ապրեց, ստեղծվեցին բժշկական կենտրոններ, զարգացավ վիրաբուժությունը: Բավական է նշել, որ այսօր հանրապետությունում գործում են 30 վիրաբուժական ամբիոններ, 70 բժշկական կենտրոններ: Մենք ապահովված ենք բարձր որակավորում ունեցող մասնագետներով:

Վիրաբուժության կայացման գործում կարևոր նշանակություն ունի անեսթեզիոլոգիան և ինտենսիվ թերապիան, որի զարգացումը հանրապետությունում կապված է Ս.Խ.Ավդալբեկյանի, Վ.Հ.Մարտիրոսյանի, Վարդանյանի, Անժելովի անվան հետ: Կադրերի պատրաստման և գիտության զարգացման գործում մեծ է նաև ակադեմիկոս Բունիաթյանի, պրոֆեսոր Մխայրյանի, Մելքոնյանի դերը:

Հանրապետությունում բարձր մակարդակի վրա է գտնվում ախտորոշիչ ծառայությունը: Շնորհիվ ակադեմիկոս Է.Ս.Գաբրիելյանի՝ նախկին Միությունում առաջինը մեզ մոտ ստեղծվեց «դիագնոստիկա» կենտրոնը, որը խթանեց վիրաբուժության առաջընթացը: այդ դպրոցն անցած բարձրորակ մասնագետներով համալրվեցին նոր ստեղծված բժշկական կենտրոնները:

Բժշկական համալսարանի շրջանավարտներ են ակադեմիկոսներ՝ Ս.Խ.Ավդալբեկյանը, Հ.Ս.Գալստյանը, Ռ.Ա. Աբրահամյանը, Ա. Աղանյանը, Բ. Ալեքյանը, Հ.Հովհաննիսյանը, Ա.Բունիաթյանը և ուրիշներ, պրոֆեսորներ Ռ.Մովսիսյանը, Ռ. Աղանյանը, Հ.Վ.Մարտիրոսյանը, Վ. Մամիկոնյանը և ուրիշներ, որոնք աշխատում և դասավանդում են ոչ միայն Հայաստանում, այլ նաև արտերկրում:

Բժշկական համալսարանում է գործում ԲՈՒՀ-ի վիրաբուժական խորհուրդը, որտեղ 2000-2005 թվերին վիրաբուժական մասնագիտություններով պաշտպանվել է 19 դոկտորական և 117 թեկնածուական թեզեր:

Տարեկան հանրապետությունում վիրահատվում են 75-85 հազար հիվանդներ:

Ամերիկացիները, որ 1957թ-ից Երևանի բժշկական ինստիտուտում սկսեցին սովորել սփյուռքի մեր հայրենակիցները, որոնցից մի մասը որպես հետդիս-

լոմային ուսուցում ընտրել են վիրաբուժությունը:

1985թ. ԵրՊԲՀ-ում ուսումնառել են արտասահմանյան ուսանողներ, որոնց ուսուցումը տարվում է ռուսերենով: Իսկ վերջին տարիներին՝ անգլերեն լեզվով դասավանդման շնորհիվ, հնարավորություն ստեղծվեց ոչ միայն ավելացնել ուսանողների քանակը, այլ հետդիսլոմային ուսուցման ընդունել այլ երկրներում ավարտած ուսանողների: